



**Ethica Amoris, Sive Theologia Sanctorum, Magni  
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones  
Strenuè propugnata, Et In Materiis Principaliter Hodie Controversis  
Fundamentaliter discussa

De Generalibus Principiis Amoris Et Morum - Prolegomena septem,  
Librosque undecim complectens

**Henricus, de Sancto Ignatio  
Leodii, 1709**

Caput VII. Eadem obligationem ratio Christiana dictat.

---

[urn:nbn:de:hbz:466:1-73187](#)

## Prolegomenon Tertium.

72

*Telligant qua sibi, que Monachis conveniat obser-  
vare precepta. Et commemoratis consiliis evan-  
gelicis, quæ solis specialiter congruant Monachis,  
subiungit ea quæ c. 2. recensuimus, dicta genera-  
liter omnibus; iisque recensitis, propter eos (inquit)  
quos suprà memoravimus, hec pauca breviter an-  
numerare studiuimus, qui insipienter afferunt, so-  
los Monachos arclam sequi debere viam, cum uti  
que Dominus arclam & angustum viam dicat esse,  
qua dicit ad vitam, & nemo, nisi per eam, in vitam  
ingredi valeat aeternam. Non solum igitur Mono-  
chis & Clericis, verum etiam omnibus qui Chris-  
tiani censemur vocabulo, per hanc arclam & an-  
gustum viam (Evangelicis regulis illis expressam)  
intrandum est. Eadem denique obligationem  
brevibus, sed nervosis hisce verbis inculcat S.  
Thomas de Villa-nova Concionē 3. in adventu  
Dom. dicens: *Quid, queso, amplius Caribufia ha-  
bet, quam Christiana religio, quantum attinet ad  
mores, & sanctitatem, & puritatem, exceptis cœ-  
remoniis & votis?**

### C A P U T V I I .

*Eandem obligationem ratio Christiana dicit.*

**43** *P*robatur ex prærogativis hominis Christiani  
c. 1. recensitis. Nemini quippe dubium esse  
potest, prærogativas tam sublimes, correspon-  
denter vitam conversationemque (atque adeo  
dictis regulis conformem) postulare. Quod &  
aperte suadent testimonia facta c. 1. & 2. pro-  
ducta. Nemini etiam dubium esse potest, tan-  
tò ampliorem à Christianis, præ alius, sanctitatem  
exigi, quanto ampliora præ alii gratia dona  
per Christum accepunt. Cui enim plus da-  
tum est, plus ab eo exigitur, & pro ratione tal-  
entorum rationem exigit dator eorum. Deni-  
que nemini dubium esse potest tantò sublimior-  
em esse oportere vitam hominum, quanto su-  
blimior est professio ipsorum. Sublimis vero  
sanctaque admodum est professio Christianorum,  
ut vīsum est ibidem.

**44** Istam ob causam Christianus, Decalogi præ-  
cepta transgrediens, gravius peccat, quam Gen-  
tilis vel Judeus. Dicit enim Augustinus tr. 3.  
in Joan. quod omnia illa præcepta nobis magis  
principiantur, id est, archis nos obligant. Ibi  
vero gravior transgressio, ubi archis obligatio.  
Sed & prolapso tanto culpabilior, quanto pro-  
fessio sublimior. Quod sublimius enim quis attol-  
litr, eō lapsu graviore ruit, & (ut canit Ju-  
venalis) omne animi viuum tanio conspectus in  
se crimen habet, quanto major qui peccat haberur.

**45** Ob eandem causam Isidorus Hispanensis l. 1.  
Sentent. c. 20. dicit, quod sub Veteri Testamen-  
to minoris culpa erant peccata; quia in eis non  
ipsa veritas, sed umbra veritatis aderat. Judæos  
quippe velut pueros lex, instar paedagogi, direxit  
(ut innuit Apostolus ad Galat. 3.) Evangelium  
vero dirigit Christianos, tamquam adultos,  
sub paedagogo jam amplius non existentes. Si-  
cū ergo adulorum peccata communiter gra-  
viora sunt peccatis puerorum; sic & Christia-

norum peccata, peccatis Judæorum.

Ob eandem rursus causam idem Isidorus ibi-  
dem l. 2. c. 18. dicit, quod peccata que inci-  
piēntibus levia sunt, perfectis viris gravia de-  
putantur. Tantò enim gravius cognoscitur esse  
peccatum, quanto major qui peccat habetur.  
Crescit enim delicti cumulus, juxta ordinem me-  
ritorum. Et sapè quod minoribus ignoratur,  
majoribus impunitur. Ex quo Isidori testimo-  
niū S. Thomas l. 2. q. 73. a. 10. concludit, quod  
magnitudo personæ peccantis aggravat peccatum.

His denique omnibus robur addunt verba 47  
Christi, Matth. 5. *Nisi abundaverit justitia ve-  
stra, plusquam Scribarum & Pharisæorum, non  
intrabis in regnum calorum.* Ubi per Scri-  
bas & Pharisæos Isidorus Pelusiota l. 4. epist.  
204. sicut & Chrysostomus & Euthymius apud  
Salmeronem to. 5. in Evang. tr. 33. non solum  
Judeos intelligit, qui exterius justa faciebant  
coram hominibus, ut viderent ab homini-  
bus, verèque proinde justi non erant; sed  
omnes generaliter filios Veteris Testamenti,  
etiam verè justos. Quam interpretationem ge-  
nuinam esse, Salmeron loco citato probat,  
hac ratione, quod Christus ibi Christianos cum  
Judeis compareat in justitia. Externa verò si-  
militudine illa justitia, non tam digna erat ju-  
stitia nomine, quam iniustitia. In ea ergo  
non procedit comparatio, cum recta compa-  
ratio fieri debeat inter extrema ejusdem generis,  
ut Philosophi tradunt. Comparantur quippe  
inter se duo verè currentes, duo docti,  
&c.; non autem verè currens cum verè non  
currente. Christus etiam confert ibi legem  
Evangelicam cum Mosaïca. Ait enim: *Au-  
ditis quia dictum est antiquis... Ego autem  
dico vobis, &c.* Verba ergo illa Christi signi-  
ficant justitiam filiorum Novi Testamenti de-  
bere esse abundantiorē justitiā filiorum Veteris  
Testamenti; sive debere eam excedere, non  
solum æquare. Videatur Chrysostomus homil.  
16. in Math. ubi dicit quod Christus illis ver-  
bis, *Nisi abundaverit justitia vestra, &c.* suos  
discipulos Veteris Testamenti obseruatoribus velit  
esse meliores. Scribas hic enim, atque Pharisæos,  
non iniquos, ut patiatur, appellant, sed eos qui  
legis præcepta custodiunt. Neque enim illos qui  
non custodiunt, diceret habere justitiam: ne-  
que ei qua non esset, eam qua esset justitiam com-  
pararet... plus enim ac minus ejusdem generis  
manifestum est esse, &c.

Cujus ratio est, quia sicut alios ab adoles-  
centibus mores exigimus, quam à pueris; alios  
vero à viris jam perfectis & maturis; nec ean-  
dem ab omnibus perfectionem requiri mus: sic  
Deus Optimus Maximus, cuius opera cum sum-  
ma sunt sapientia conjuncta, aliam legem mun-  
do infanti præscriptis; aliam mundo Judæo tam-  
quam puer, sub paedagogo degenti; aliam  
denique mundo Christiano, tamquam adulto  
jam & maturo, sublimioribusque prærogativis  
decorato. Sicut ergo perfectionem sublimio-  
remque legem Christianis dedit quam Judæis;  
sic abundantiorē sublimioremque ab ipsis ju-  
stitiam

stitiam exigit, cum dicit: *Nisi abundaverit, sc.*

49 *Agnosce igitur à Christiane dignitatem tuam, & divina consors natura, noli in veterem vilitatem degeneri conversatione redire. Memento cuius capitum & cuius corporis sis membrum. Memento quali sis insignitus honore* ( inquit Leo Magnus ) adeoque quali præ alias pollere debes sanctitate. Non enim accepisti spiritum servitius iterum in timore, sed accepisti spiratum adoptionis filiorum, in quo clamamus: *Abba Pater.* Rom. 8. O ingentem honorem, exclamat istum in locum Isidorus Pelusiota, quam altè erexit humi prostratos! eadem enim operâ, & Iudaorum ignobilitatem Apostolus ob oculos ponit, nobilitatem econtra Christianorum, quam omni ope servare justum fuerit, ne honore excidencies, gravius castigemur, utpote tanto indigni honore.

50 Scio consuetam negligentium Christianorum vitam procul abesse à sanctimonia, quam allatæ Evangelicæ regulæ, quam SS. Patres, quam Christianæ rationes ab ipsis postulant. At scio quoque, contra Ecclesiasticas quidem leges, externam Ecclesiæ disciplinam concerentes, consuetudinem prævalere posse; sed non contra divinas, quarum prævaricatores semper interpellare licet, his Petri Cantoris verbis: *Non minus peccas, quia cum multis. Neque enim consuetudo contra eas aliud est quam corruptela; quæ, si vetusta sit, nihil aliud est quam vetustas erroris, ut dicitur can. Consuetudo, distinet. 8. Nulla, igitur, consuetudo, quantumcumque generalis & antiqua, potest præjudicare, seu tollere id quod est de lege naturali, seu etiam divina, quoad moralia præcepta,* ait D. Antoninus I. p. tit. 17. §. 6. Siquidem lex naturalis & divina procedit à divina voluntate.... unde non potest mutari per consuetudinem procedentem à voluntate hominis, sed solum per autoritatem divinam mutari posset. Et inde est, quod nulla consuetudo vim legis obtinere potest contra legem divinam, vel legem naturalem. Dicit enim Isidorus in synonymis, usus autoritati cedat, pravum usum lex & ratio vincat. S. Thomas I. 2. q. 97. a. 3. ad 1.

51 Enimvero cum Christus sit veritas, quæ omnia vincit; quod Christus præscripsit, vincere debet omne quod ab humana voluntate, cupiditate vel negligentia in contrarium sit. Ideo Gregorius VII. can. si consuetudinem, dist. 8. Si consuetudinem fortassis opposas, adverterendum est, quod Dominus dicit: *Ego sum veritas... non dixit: Ego sum consuetudo, sed veritas.* Et ecce ( ut B. Cypriani utamur sententiâ ) quelibet consuetudo, quantumvis vetusta, quantumvis vulgata, veritati est omnino postponenda, & usus, qui veritati est contrarius, abolendus. Quia, ut ex eodem Cypriano dicitur can. *Consuetudo, ibidem: Consuetudo sine veritate, vetustas erroris est.* Propter quod velictu errore, sequamur veritatem... quia veritas manet & invalescit in aeternum, & vivit, T. I.

*& obtinet in secula seculorum.*

Concinus Augustinus I. 4. de baptismo c. 4. 52

*Frastrà, qui ratione vincuntur ( prout Christiani, non viventes ad præscriptum regularum Evangelicarum ) consuetudinem nobis objiciunt, quasi consuetudo major sit veritate, aut non sit in spiritualibus sequendum, quod melius à Spiritu sancto revelatum est. Et I. 3. c. 9. Cum Christus sit veritas, magis veritatem ( Evangelicis in regulis expressam ), quam consuetudinem sequi debemus.* Denique Concilium Suef. 3. dicit, quod mala consuetudo non minus quam corruptela pernicioſa viranda est. In concernientibus itaque jus divinum, Ethica Christiana moribus & usibus hominum, quotidie in pejus abeuntibus, conformanda non est; sed Ethica veteri novi mores sunt conformandi. Alias lex divina foret regula Lesbia.

### C A P U T V I I I .

*Superioribus regulis conformem oportet esse moralum Theologiam, ut verè Christiana sit. Taliis proinde non videtur illa, que est adinventionis nova, non traditionis antiqua: illa maximè de qua Caramuel Theolog. fundament. n. 1268. Tota Theologia Moralis nova est.*

53 **P**robatur prima pars: si enim non sit conformis illis Evangelicis regulis, non est conformis ei quam Christus tradidit, quam Evangelia docent, quam Apostoli, tamquam necessariò sectandam, prædicarunt: ergo non est verè Christiana, non Evangelica, non Apostolica.

Probatur secunda pars: si enim nova, seu 54 adinventionis nova, non est traditionis antiqua; non igitur illa quam Christus & Apostoli plusquam à septemdecim seculis tradiderunt; nec proinde esse videtur Evangelica, neque Christiana; neque Christum & Apostolos habet Authores, sed adinventionem Philosophiamque purè humanam nonnullorum Recentiorum, à quibus merito requirere possumus cum Tertulliano I. 1. de præscript. *Qui estis? quando, & unde venistis?* Et cum Hieronymo in epist. apologet. contra Origenem, quæ est 33. l. 1. *Cur post 400. ( immo 1700. & amplius ) annos dicere niteris quod ante noscivimus? cur profers in medium quod Petrus & Paulus edere noluerunt? usque ad hanc diem, sine hac doctrina mundus Christianus fuit.* Et cum Augustino I. contra epist. fundam. c. 6. *Quid sibi vult ista novitas? nonne vobis videatur nefio quam redolere fallaciam?* Denique cum Gelasio epist. ad Honorium Dalmatia Episcopum: *Ubi est quod scriptum est, terminos Patrum tuorum ne transgrederis. Et, interrogata Patres tuos, & annuntiabant tibi; Majores tuos, & dicent tibi? Aut cur nobis non sufficit, si quid ignorantes discere cupiamus, qualiter ab Orthodoxis Paribus, singula queque, vel virtuanda, vel præcepta, vel aptata catholica veritatis numquid sapientiores illis sumus, aut per-*